

UPU A LE PERESETENE 2026

Ua nona le faleseu ina ua totō le fuifui i tiasa, ae mapu i ti'ega ali'iseu auā le seumata'ina i le pule faasoifua a lo tatou Matai Sili i le lagi.

E faatalofa ma feiloa'i atu i le suafa manumalo o lo tatou Alii o Iesu Keriso le Ao o le Ekalesia, i paia i Tama o le Ekalesia ma Faletua, le Ta'ita'ifono ma le Laulau a le Fono Tele, matua penisione faapea le Aufaigaluega a le Atua i tofiga eseese e tele i totonu o lona finagalo paia. Faamalo le tauata'i ma le papale.

E fai a'u ma sui o le Au Taumafai e faaleo ai pea le agaga faafetai i talosaga molia atoa lo outou aao foai i faigataulaga mo faamoemoe o le Au Taumafai i le Ekalesia faapea foi le lalolagi i tausaga taitasi uma. Ia faatumu pea e le Atua foai le suauu i le fagu, ma ia maua pea le falaoa i le kate.

Faafetai i le Komiti atoa i sui mai Matagaluega uma, auā le sa'iliga i le loloto, ina ia nanea le faasoia i le taliuta a le Ekalesia. Faafetai i le Susuga i le Faafeagaiga i a Taipisia Lauvi o le Matagaluega Laumua o Aotearoa, faapea foi le faafeagaiga i a Keresoma Seuala o le Matagaluega Niu Sila i Saute mo le tapenaina o le Tusi Au Taumafai 2026. Ia ifo manū mai lagi manuia i galuega o loo galulue ai.

Ia manuia tele le fetufaa'iga faa-le-Au Taumafai a le Ekalesia Aoao i lenei foi tausaga.

Faafetai ma ia manuia.

Iakopo Mau Leleimalefaga

.....

Aso Fono Au Taumafai 2026 – 12 & 13 Mati 2026

ASO SA 04 IANUARI 2026 FAAFOUINA

MANATU AUTU : O LE ATUA LŌ TATOU TA’IALA MONI.
(God is our true guidance)

TUSI FAITAU: Fa’ata’oto 4: 10 – 19

MATUA: Fa’ata’oto 4: 11

**“Ou te faasino ia te oe le ala o le poto; ou te ta’ita’iina oe
i ala sa’o.”**

Vaega:

1. Ia ta’ita’i ala pea le Atua i la tatou faigamalaga.
2. Ia tatou mataāla ina ne’i afe se atua o le ala.
3. Tatou folau ma le mautinoa, e i ai faigata i le ala.
4. A tatou faimalaga fa’atasi ma le Atua, o ai sē e fa’asagatau mai?

ASO SA 11 IANUARI 2026

MANATU AUTU: IA LAVA SAUNI MO LE MALAGA.
(Be well prepared for the journey)

TUSI FAITAU: Luka 14: 28 – 32

MATUA: Luka 14: 28

**“O ai foi so outou ua fia fai se ‘olo, e le muai nofo i lalo
e faitau tupe e totogi a’i, po ua lava ana mea e faauma ai?”**

Vaega:

1. Tapena ia lava se oso, auā e mamao le ala.
2. E sili le puipuia, na i lō le togafitia.
3. Aua le manatu māmā i le malaga, auā e le iloa taga fai i vasa.
4. Tapena fa’atasi ma le Atua e manuia ai.

ASO SA 18 IANUARI 2026

**MANATU AUTU: O LE ATUA LŌ TATOU FESOASOANI
SILI.
(God is our greatest helper)**

TUSI FAITAU: Salamo 121: 1 - 8

MATUA: Salamo 121: 1 & 2

“E faasaga ae o’u mata i mauga, e oo mai ai lo’u fesoasoani. O lo’u fesoasoani mai le ALII lea, o le na faia le lagi atoa ma le lalolagi.”

Vaega:

1. E gata le malosi ma le iloa fa’ale-tagata.
2. O le Atua na te fa’alauleleia le ala mo i tatou.
3. Ua silafia lava e le Atua le ala o le a tatou ui ai.
4. Tepa a’e i le Atua i le tatalo, pe a lutia lā tatou folauga.

ASO SA 25 IANUARI 2026 ASO SA O TUPULAGA

**MANATU AUTU: O Ō TATOU OLA O LO’O I A’AO O LE ATUA.
(Our lives are in God’s hands)**

TUSI FAITAU: Iakopo 4:13 – 15

MATUA: Iakopo 4: 14

“A e le iloa e outou se mea e tupu a taeao. Auā pe se a lo outou ola? O le puao lava lea, ua aliali mai i se itu aso itiiti, ona mou ai lea.”

Vaega:

1. Aua le so’ona mitamitavale i le ola ma le malosi ua maua.
2. O lō tatou ola ma le malosi, ua na o se foe lava e fa’ae’e i le tau.
3. Ia faamoemoe pea i le Alii, ae le o lō tatou malosi ma le iloa.
4. Ia e manatua le Ali’i i ou ala uma.

ASO SA 01 FEPUARI 2026 FAAFOUINA

MANATU AUTU: **IA FAI MEA FA’ALOGO PEA I LE ATUA.**
(Always listen to God)

TUSI FAITAU: Kenese 11:1 - 9

MATUA: Kenese 11: 8

**“Ona faataapeape lea e le ALII ia te i latou ai lea mea i le lalolagi
uma; ona tuua lea e i latou ona faia o le aai.”**

Vaega:

1. Tu’u a tatou fuafuaga, ae fa’amuamua fuafuaga a le Atua.
2. Usita’i i le Aua, ae aua ne’i atiina a’e ni o tatou ‘olo i ona luma.
3. E lē faigata i le Atua ona fa’aleaogaina ā tatou fuafuaga sesē.
4. O fe’ese’esea’iga e talepeina ai ni mafutaga mafanafana.

ASO SA 08 FEPUARI 2026

MANATU AUTU: **SAU I LALO MA LE LA’AU E FEILOAI MA
IESU.**
(Come down from the tree to meet Jesus)

TUSI FAITAU: Luka 19: 1 - 10

MATUA: Luka 19: 5

**“Ua oo atu Iesu i lea mea, ona tepa ae lea o ia, ua silafia o ia, ona
fetalai atu lea ia te ia, “Sakaio e, ia e vave ifoifo ia i lalo, auā e
tatau ona ou nofo i lou fale i le aso nei.”**

Vaega:

1. O ala o le Atua o ala o le loto maulalo.
2. Alu ifo ia i lalo, o lo’o fia mafuta le Ali’i ia te oe.
3. E fia mafuta foi le Ali’i i totonu o lou fale.
4. Aisea e te a’e ai pea i lena laau?

ASO SA 15 FEPUARI 2026

MANATU AUTU: **FA’AFETAI I LE ATUA I MEA UA**

TATOU MAUA.
(Thank God for what we have)

TUSI FAITAU: Filipi 4: 10 - 13

MATUA: Filipi 4: 11

“Ou te le fai atu ona o le mativa, auā ua a’oa’oina a’u ia to’a filemu lo’u loto i mea ua ia te au.”

Vaega:

1. Talia ma le loto fa’afetai mea ua e maua.
2. Aua e te faameo ona o ni mea ua e lē maua.
3. Ia iloa ola i soo se ituaiga tau o le olaga.
4. E taua le ola fetausia’i ma fealolofaa’i.

ASO SA 22 FEPUARI 2026

MANATU AUTU: AUA LE SOLA ESE MAI LU’ITAU O LE OLA.

(Do not run away from the challenges of life)

TUSI FAITAU: Ruta 1: 19 – 22

MATUA: Ruta 1 : 20

“A ua fai atu o ia ia te i latou, Aua tou te ta’ua a’u o Naomi, a ia ta’ua a’u o Mara; auā ua matuā oona mea ua faia ia te au e Lē ona le malosi uma lava.”

Vaega:

1. E lē oge le Atua i ‘ele’ele naumati.
2. E lu’itauina pea lo tatou ola faatuatua i le Atua.
3. Ia a’oa’oina i tatou mai ni faaiuga sesē o le tuana’i.
4. O le Atua e tu’u avanoa pea mo i tatou.

ASO SA 01 MATI 2026 FAAFOUINA

MANATU AUTU: O FITAFITA O LE AUTAU A IESU KERISO.

(The soldiers of Jesus Christ’s army)

TUSI FAITAU: 2 Timoteo 2 : 3 – 5

MATUA: 2 Timoteo 2 : 3

“O lenei, ia e onosai i mea e tiga ai, faapei o se tagata tau e lelei a Keriso Iesu.”

Vaega:

1. E mo’omia ni fitafita e gafatia lu’itau o le taua.
2. Tu’u ese ni mea lē aoga o fai ma fa’alavelave i le taua.
3. Ia fa’alogo pea i le ta’ita’i ‘au sili, o Iesu Keriso lea.
4. Ia tatou tau e tusa ma tulafono a le Ali’i.

ASO SA 08 MATI 2026

MANATU AUTU: O LE FA’ATUATUA MONI.
(The true faith)

TUSI FAITAU: 1 Peteru 1: 3 – 9

MATUA: 1 Peteru 1: 8

“Tou te le iloa atu o ia, a ua alolofa ia te ia; e le o vaai atu nei foi ia te ia, a o loo faatuatua ia te ia, tou te olioli ai ma le fiafia e le matalatalaina, e silisili ese lava.”

Vaega:

1. Tatou te va’aia le Atua i ō tatou mata fa’ale-fa’atuatua.
2. E iloa lou fa’atuatua i lau ‘au’aunaga.
3. O tofotofoga, e faamalositia atili ai lo tatou faatuatua.
4. E tauia e le Atua i latou e alolofa fa’amaoni iā te Ia.

ASO SA 15 MATI 2026

MANATU AUTU: FAAMANATU I LAU FANAU LE ALOFA O LE ATUA.
(Remind your children about the love of God)

TUSI FAITAU: Salamo 44: 1 – 3

MATUA: Salamo 44: 1

“Le Atua e, ua faalogo o matou taliga, ua talatalaina e o matou tamā ia te i matou le galuega na e faia i ona po sa i ai latou i aso anamua.”

Vaega:

1. E tupu le fa’atuatua i le taulogologo.
2. O le tiute o matua le fa’amanatu pea o le Atua i fanau.
3. E tāpena e le Atua mea uma mo le tagata fa’atuatua.
4. Aua nei galo le alofa o le Atua ua tatou ‘oa’oa ai i faleseu.

ASO SA 22 MATI 2026

MANATU AUTU: E LĒ PELOGIA E SE TAGATA LE ATUA.
(No one deceives God)

TUSI FAITAU: Galuega 5: 1 - 11

MATUA: Galuega 5: 9

“Ona fai atu lea o Peteru ia te ia, Se a le mea ua oulua loto gatasi ai e tofotofo i le Agaga o le Alii?”

Vaega:

1. E leai se mea e mafai ona nātia i fofoga o le Atua.
2. E manaia le loto gātasitasi i mea lelei, ae le o mea leaga.
3. O mea ua ofoina mo le Atua, e lē toe o’o i ai sā tatou pule.
4. Ia foa’i i le Atua ma le loto fuatia-ifo lelei, ae lē o le moge oso.

ASO SA 29 MATI 2026 LAUPAMA

MANATU AUTU: O IESU O LE TUPU.
(Jesus is the King)

TUSI FAITAU: Ioane 12: 12 – 13

MATUA: Ioane 12: 13

“Ona ave lea e i latou o lau o pama, ma o mai e faafetaiai ia te ia; ona latou alalaga lea, “Osana! ‘Ia manuia lē afio mai i le suafa o le Alii, o le Tupu o Isaraelu!”

Vaega:

1. O le laupama o le faailoga o Iesu o le Tupu.
2. Talia Iesu le Tupu ua afio mai.
3. O Iesu o le tali i le osana.
4. O Iesu na te aumaia le malosi fou mo le tagata puapuagatia.

ASO SA 05 APERILA 2026 TOETŪ FAAFOUINA

MANATU AUTU: UA UMA ONA FA’AFOUINA I TATOU E IESU.
(Jesus has already renewed us)

TUSI FAITAU: Roma 6: 5 – 11

MATUA: Roma 6: 8

“Afa’i foi ua oti faatasi i tatou ma Keriso, ua tatou taofi, tatou te ola foi faatasi ma ia.”

Vaega:

1. O le Toetu o Keriso, ua fa’afouina ai ō tatou tagata tuai.
2. Sui nei loa o tatou olaga, ina ne’i maumau le tautiga o le Ali’i.
3. O sē ua ola ia Keriso, e iloa gofie i lona olaga ma ana galuega.
4. O le tau’i o le agasala o le oti, ao sē ua ia Keriso e fa’aolaina o ia.

ASO SA 12 APERILA 2026

MANATU AUTU: TATOU TE FESAGA’I PEA MA FĪTĀ O LE OLA.
(We will always face hardships in life)

TUSI FAITAU: Iopu 12:1–12

MATUA: Iopu 12: 7–8

“A e peitai, ina e fesili ia i manu vaefa, latou te a’oa’o mai ia te oe; ma manu felelei, latou te faailoa mai ia te oe. Pe ia e tautala i le laueleele, e a’oa’o mai ai o ia ia te oe; e fa’amatala mai foi ia te oe e i’a o le sami.”

Vaega:

1. E le mafai ona tatou sosola ese mai faigata o lenei olaga.
2. E a'oa'o mai fo'i mea o le foafoaga ia i tatou.
3. O lo'o fa'amaoni pea mea uma o le foafoaga i le Atua.
4. Savavali ma le Atua i totonu o tiga o le ola.

ASO SA 19 APERILA 2026

MANATU AUTU: AVE LOU OLA MO LE ATUA.
(Give your life for God)

TUSI FAITAU: Isaia 6: 1 – 8

MATUA: Isaia 6: 8

**“Ona ou faalogo atu ai lea i le siufofoga o le Alii, ua faapea mai,
O ai ea ou te auina atu? o ai foi e alu atu mo i matou? Ona ou
faapea atu ai lea, O a'u lenei, ina auina atu a'u.”**

Vaega:

1. E tapena lava e le Atua lo tatou faatauva'a mo ana feau.
2. E fa'amagalo e le Atua a tatou agasala, pe a tatou salamō fa'amaoni.
3. Aua ne'i te'ena o tatou vala'auina mai le Atua.
4. E fia fa'aaoga e le Atua oe ma a'u i lona finagalo.

ASO SA 26 APERILA 2026

MANATU AUTU: SALAMŌ MA FO'I I LE ATUA.
(Repent and return to God)

TUSI FAITAU: Iona 2: 1 – 10

MATUA: Iona 2: 1 & 2

**“Na tatalo foi Iona i le ALII Iona Atua i le manava o le i'a, ua
faapea atu, Na a'u valaau atu i le ALII ona o lo'u puapuaga, ua na
faafofoga mai foi ia te au; na ou alaga atu nai le mea maulalo i
tuugamau, ua e fa'afofoga i lo'u leo.”**

Vaega:

1. E tu'u avanoa le Atua pe a salamō fa'amaoni.
2. Sōia le fa'ataliga-tuli i le vala'au mai o le Atua.
3. E aogā le sesē o nei, e a'oa'oina ai taeao.
4. A ua faaletonu, ia pa'ū ā popo uli, e i ai pea le faamoemoe.

ASO SA 03 ME 2026 FAAFOUINA

**MANATU AUTU: NA MALOSI TAVITA ONA O TOA
SA FESOASOANI IĀ TE IA.**
*(David was strong because of the heroes that
helped him)*

TUSI FAITAU: 1 Nofoaiga Tupu 12: 1 – 8

MATUA: 1 Nofoaiga Tupu 12: 1

**“O i latou ia na o mai ia Tavita i Sekeleka ina o nofonofo ai o ia
ona o Saulo le atalii o Kiso; o toa i latou e ua fesoasoani i le
taua.”**

Vaega:

1. E malosi le ta'ita'i pe a lototetele lana 'au tau.
2. E toa lē o lo'o tula'i, pe a lelei le tu'ualalo.
3. Tu'ualalo i mea lelei, ae le o mea lē lelei.
4. O le toa moni, e loto fesoasoani.

ASO SA 10 ME 2026 ASO SA O TINA

MANATU AUTU: ILOA MA FA'ATINO.
(Knowing and acting)

TUSI FAITAU: Ioane 13: 12-17

MATUA: Ioane 13: 17.

“Afai ua outou iloa ia mea, amuia outou pe a outou faia.”

Vaega.

1. E leai se uiga o le iloa, pe a lē mafai ona fa'atino.
2. E fa'amatala e au galuega lou iloa.
3. O le agasala le iloa o le mea e tataua ona fai, ae lē faia.
4. Ia femulumulua'i e ala i le alofa, ae le o le femuimuia'i.

ASO SA 17 ME 2026

**MANATU AUTU: O LE MALOSI O LE ALOFA MONI
FA'ATINĀ.**

(The power of true motherly love)

TUSI FAITAU: 2 Samuelu 21: 5-14

MATUA: 2 Samuelu 21: 10

“Ona ave lea e Risepe le afafine o Aia le ie talatala, ma na fofola mo ia i le papa, e afua mai i le amataga o le seleselega, ua oo ina maligi mai le vai mai le lagi ia te i latou; ua le mafai ia te ia ona tuu ai o se manu lele ia te i latou i le ao, po o se manu feai i le po.”

Vaega:

1. O le alofa faa-tinā, e malosi atu nai lo’o le oti.
2. O le alofa moni, e iloa i taimi faigata o le ola.
3. Ia manatua pea le alofa o nai o tatou Tinā.
4. O le alofa faa-tinā o le Atua ua tatou ola ai.

ASO SA 24 ME 2026: **PENETEKOSO**

**MANATU AUTU: E SUAMALIE MEA FAIGATA PE A
FA'A'AU'UPEGAINA I TATOU E LE
AGAGA O LE ATUA.**

(Difficulties taste sweet when God's Spirit equips us)

TUSI FAITAU: Faamasino 14: 5 – 9

MATUA: Faamasino 14: 6 & 8

“Ona osofia lea o ia e le Agaga o le ALII, ua na saeia le leona, e pei ona saeia se tamai ‘oti. Ua foi atu o ia ina ua mavae nisi aso ina ia aumaia o ia; ona afe ane lea o ia e matamata i le tino o le leona; faauta, o le vao lagomeli atoa ma le meli i le tino o le leona.”

Vaega:

1. Ia ta'ita'i tama pea le Agaga Paia i mea uma tatou te faia.
2. Tatou te mafaia mea uma i le fa'atasi mai o le Agaga o le Atua.
3. E liua e le Atua mea faigata e avea ma mea suamalie i le tofo.
4. Ia suamalie i le Atua lau tautua.

ASO SA 31 ME 2026

**MANATU AUTU: E MANA'OMIA E LE ATUA LE AIGA
 ATOA.**

(God needs the whole family)

TUSI FAITAU: Kenese 22: 1 – 8

MATUA: Kenese 22: 5

**“Ua fai atu foi Aperaamo i ona taulelea, Tali atu ia iinei ma le
asini, a o a'u ma le tama ma te o i o e tapuai ai, i lo ma toe foi mai
ia te oulua.”**

Vaega:

1. E lē atoa le osiga-taulaga, pe a leai se Isa'ako.
2. Ave uma lou aiga i le Atua.
3. O fanau, o le lumana'i lea o le Galuega.
4. E tutupu vavega, pe a moni lo tatou fa'atuatua i le Atua.

ASO SA 07 IUNI 2026 FA'AFOUINA

**MANATU AUTU: O LE ATUA E NANEA AI LO TATOU
 TAUTIGA.**

(If done with God, all our works are not in vain)

TUSI FAITAU: Salamo 127

MATUA: Salamo 127: 1

**“Afa'i e le atiina ae e le ALII le fale, e galulue fua i latou o e
atiina ae; afa'i e le leoleo e le Alii le aai, e mataala fua o le na
te leoleoina.”**

Vaega:

1. Ia i ai le Atua i totonu o au fuafuaga.
2. E mafai ona maua manuia o le ola nei, ae maumau pe a leai le Atua.
3. E leai se aoga o a tatou taumafaiga, pe a aunoa ma le Atua.
4. Mātua, ia ma’ama’ai ma malolosi a tatou ū fanafana.

ASO SA 14 IUNI 2026

**MANATU AUTU: FA’AVAE LAU TAUTUA I LE
ALOFA MONI I LE ATUA.**

*(Build your service on the foundation of true
love for God)*

TUSI FAITAU: Hosea 6: 4 – 11

MATUA: Hosea 6: 6

**“Auā o le alofa ou te loto i ai, a e le o le taulaga; ia iloa foi le
Atua e sili lea i lo’u manatu i taulaga mu.”**

Vaega:

1. E leai se aogā o lou tautīgā, pe a aunoa ma le alofa moni i le Atua.
2. E leai se aoga o lou tautīgā, pe a faia ona o le va’aiga a tagata.
3. Fa’atoa nanea au galuega, pe afai e ō fa’atasi ma lou ola fa’apaiaina.
4. Ia tūtūmau i le amiotonu, ae aua le femoumoua’i.

ASO SA 21 IUNI 2026

**MANATU AUTU: E LEAGA LE FA’AMAUALUGA.
(Arrogance is evil)**

TUSI FAITAU: Opetaiā 1: 1- 4

MATUA: Opetaiā 1: 4

**“E ui lava ina maualuga le mea e te nofo ai pei o le aeto, ma e
tuu lou ofaga i fetu, o loo fetalai mai le ALII, ou te lafo ia te
oe i lalo i lea mea.”**

Vaega:

1. O lagona fa'amauualuga e fa'asēsēina ai le tagata.
2. O le loto fa'amauualuga, e lē alofa ai i le isi uso.
3. O le loto fa'amauualuga, na te fa'a'umatiaina le loto fesoasoani.
4. E inosia e le Atua le tagata fa'amauualuga.

ASO SA 28 IUNI 2026

MANATU AUTU: O LE LOTO FAAMAGALO E MAI LE ATUA.

(A forgiving heart is from God)

TUSI FAITAU: Filemoni 1: 1-17

MATUA: Filemoni 1: 17

“O lenei afai e te manatu i la ta uo, ia e talia mai o ia e pei o a'u lava.”

Vaega:

1. Aua ne'i nofo mau le ita i ō tatou loto.
2. E matagofie le loto fa'amagalo.
3. Ia faia pea le mea sa'o, ae tu'u le mea lelei.
4. O le alofa fa'amagalo o le Atua, ua fa'asa'olotoina ai lō tatou nofo pologa i le agasala.

ASO SA: 05 IULAI 2026 FAAFOUINA

MANATU AUTU: SAU A OE.

(Come as you are)

TUSI FAITAU: Amosa 7:10-17

MATUA: Amosa 7:14-15

“Ona tali atu lea o Amosa ua faapea atu ia Amasia, Ou te le se perofeta a'u nei, ou te le se atalii foi o se perofeta; a o le fagamanua'u, ma le galue i sukamoru. A ua avea a'u e le ALII sa ou mulimuli i le lafu mamoe, ma ua faapea mai le ALII ia te au, Alu ia, ina e vavalu i lou nuu o Isaraelu.”

Vaega:

1. E lē fa'ailoga tagata le Atua
2. Mausali le fa'atuatua
3. Mafaufau loloto i lou vala'auina
4. Fai ma mea faigaluega a le Atua

ASO SA: 12 IULAI 2026

MANATU AUTU: MATUA I LĀ LE AGAGA.
(*Spiritual maturity*)

TUSI FAITAU: Iakopo 1:19-25

MATUA: Iakopo 1:21

“O lea foi ia lafoai ai mea eleelea uma ma le leaga e silisili, ia talia ma le faamaulalo le upu ua totōina, o lea e mafai ai ona fa'aolaina o outou agaga.”

Vaega:

1. Ia pulea lou loto
2. Tatalo i le Atua
3. Ia faavae lou olaga i le alofa
4. O ē fa'alologo ma ē 'ana'ana i le Upu

ASO SA: 19 IULAI 2026

MANATU AUTU: FA'ALOGO I FAUTUAGA LELEI.
(*Listen to good advice*)

TUSI FAITAU: Esoto 18:11-23

MATUA: Esoto 18: 18

“O le a matuā tigaina oe atoa ma lenei nu'u o lo'o ia te oe; auā e mafatia oe i lenei mea, e te le lavā ona e faia toatasi.”

Vaega:

1. E fa'asino mai e le Atua tagata e fesoasoani ia te oe
2. 'Aua e te manatu e te iloa mea uma
3. E leai se tagata e vale i luma o le Atua
4. O le tōfā fetāla'i i mea tutupu i le olaga

ASO SA: 26 IULAI 2026

MANATU AUTU: LOTO ALOFA.
(Merciful heart)

TUSI FAITAU: 2 Samuelu 19:16-23

MATUA: 2 Samuelu 19:23

**“Ona fai atu lea o le tupu ia Semi, E te le oti oe; ua tauto ai foi le
tupu ia te ia.”**

Vaega:

1. O le Atua o le alofa
2. Ia fa’amaoni i lau tautoga
3. Tau i le leaga i le lelei
4. E tīgā le alofa

ASO SA: 2 AOKUSO 2026 FAAFOUINA

MANATU AUTU: VAAI LE TAIMI!
(Watch the time!)

TUSI FAITAU: Hakai 1:1-11

MATUA: Hakai 1: 4-5

**“O ona po nei ea tou te nonofo ai i o outou fale ua tāpapa,
a o lenei fale ua faatafunaina. O lenei, o loo faapea ona fetalai
mai o le ALII o ‘au, ia outou mafaufau i o outou ala.”**

Vaega:

1. O le taimi e pule ai le Atua
2. Ia fa’aaoga tatau le taimi
3. Ia fa’amuamua le taimi o le Atua
4. Fa’amulimuli lou mana’o

ASO SA: 9 AOKUSO 2026 ASO SA O TAMĀ

MANATU AUTU: ‘AUA LE OLIOLI I PUAPUAGA O ISI.
(Do not rejoice in the sufferings of others)

TUSI FAITAU: Opetaiā 1:9-16

MATUA: Opetaiā 1:12

“A ua le tatau ina ua e maimoa i le aso o lou uso, o le aso o lona puapuaga; ua le tatau foi ina ua e faatumana i le fanauga a Iuta i le aso na fano ai i latou; ua le tatau foi ina ua e tautala faasiasia i le aso o le puapuaga.”

Vaega:

1. O tatou uma o fanau a le Atua
2. Ia ‘alo ese ma le ola taui ma sui
3. Ia tatou āmo fa’atasi se avega mamafa
4. Ia olioli i mea lelei

ASO SA: 16 AOKUSO 2026

**MANATU AUTU: FAAETEETE PO’O AI E TE
FAATUATUAINA**
(Be careful who you trust)

TUSI FAITAU: Salamo 54:1-7

MATUA: Salamo 54:3

“Auā ua laga mai ia te au tagata ese; o e sauā foi ua sailiili e fasioti ia te au; latou te le manatua le Atua.”

Vaega:

1. E leai se mea e lilo i le silafaga a le Atua
2. Ia e mataāla!
3. Sulufa’i i le Atua e maua ai le fesoasoani
4. E lelei le togafiti, ae lē umi

ASO SA: 23 AOKUSO 2026

MANATU AUTU: IA TALIA SUIGA LELEI.
(Embrace positive changes)

TUSI FAITAU: Luka 5:33-39

MATUA: Luka 5:37

“E leai foi se tasi na te utufia le uaina fou i fagu pa’u tuai; a faapea, ona pa ai lea o fagu pa’u i le uaina fou, ona masaa ai lea, e māumau foi fagu pa’u.”

Vaega:

1. O Iesu o le uaina fou
2. ‘Aua le toe tepa i tua
3. O le fuata ma lona lou
4. Fa’amoemoe i le mana o le Atua

ASO SA: 30 AOKUSO 2026

MANATU AUTU: E OTI ‘EA LE FAIA’INA?
(Is failure fatal?)

TUSI FAITAU: 1 Tupu 19:1-18

MATUA: 1 Tupu 19:15

“Ona fetalai mai lea o le ALII ia te ia, Ina alu ia oe, ma toe foi i lou ala i le vao o Tamaseko; pe a e oo foi i ai, ia e faauuina Asaeli e fai ma tupu o Suria.”

Vaega:

1. ‘Aua le fa’avaivai i lou vala’auina
2. ‘Aua le fefe i ē o lo’o āgaleaga mai
3. Ia tepa taula’i i le Atua
4. O le Atua o le ola, ae lē o se Atua fasioti tagata

ASO SA: 06 SETEMA 2026 TALA LELEI FAAFOUINA

MANATU AUTU: O AI E LĒ O ILOA LE TALA LELEI?
(Who does not know the Good News?)

TUSI FAITAU: Mareko 7:1-23

MATUA: Mareko 7:6

“Ona tali atu lea o ia i te i latou, ua faapea atu, Ua tatau lelei le valoaga a Isaia ia te outou tagata faafiaamionu, e pei ona

tusia, Ua vivii mai lenei nu’u i o latou laugutu, a o latou loto ua taumamao ia te au.”

Vaega:

1. Tautala ma ola ai
2. Ia faamaoni i le Atua
3. E lē o se Tala Lelei e su’e ai le tamaoaiga
4. O Iesu o le Tala Lelei

ASO SA: 13 SETEMA 2026

MANATU AUTU: O LE PULE A LE ATUA.
(God’s authority)

TUSI FAITAU: Mataio 8:5-13

MATUA: Mataio 8:8

“Ua tali mai le ta’ita’i o le toaselau, Le Alii e, e le aoga a’u ona e ulufale atu i lo’u fale; tau lava ina oo mai sau fetalaiga, e malolo ai la’u auauna.”

Vaega:

1. O le Atua e i ai i so o se mea
2. E leai sē tasi e tu fa’amauga
3. O le faatuatua i le Atua e mafaia ai mea uma
4. O le pule e aunoa ma le Atua, o le faasili’aupule

ASO SA: 20 SETEMA 2026

MANATU AUTU: O LE MANA O LE ATUA E SUIA AI LE TAGATA.
(The power of God transforms the person)

TUSI FAITAU: 2 Korinito 3:12-18

MATUA: 2 Korinito 3:18

“A o i tatou uma, o loo vaavaai i tatou i le pupula o le Alii ma o tatou mata, e le ufitia, ua liua ai i tatou ua foliga i ai nai le

pupula e oo i le pupula, faapei ona maua ai mai le Alii, o ia o le Agaga.”

Vaega:

1. Ia foliga ia Iesu
2. Mai le olaga tuai i le olaga fou
3. O le ola tapua’i ma le ola fa’apaiaina
4. O le mamalu o le Atua ua vaaia ia Iesu

ASO SA: 27 SETEMA 2026

MANATU AUTU: LOTO NAUNAU I LE ALII.
(Desiring God)

TUSI FAITAU: Sapakuka 1:1-17

MATUA: Sapakuka 1:13

**“E sili ona manino ou fofoga, e te le fia silasila i le amio leaga,
e le mafai foi ona e silasila i le agasala; se a ea le mea e te silasila
ai i e o fai amio faa’ole’ole, ma ē le fetalai ina o fasioti e le
tagata agasala, le tagata e sili ona amiotonu ia te ia?”**

Vaega:

1. Ia sa’ili pea le finagalo o le Atua
2. O ala o le Atua e maualuga nai lo le tagata
3. E lotolotoi le Atua i taimi faigata o le ola
4. O faafitauli e malosai ai le fa’atuatua

ASO SA: 4 OKETOPA 2026 FAAFOUINA

MANATU AUTU: IA PA’Ū TONU LE SAMALA I LE ULU O LE FAO
(Let the hammer falls straight on the head of the nail)

TUSI FAITAU: Esekielu 18:1-9

MATUA: Esekielu 18:2-3

**“Se a le mea ua outou fai ai leni faatusa i le laueleele o
Israelu, e faapea, Ua ‘aina e tamā o vine moto, ae magiagia ai
nifo o le fanau?”**

Vaega:

1. O le Atua o le faamasino silisili
2. ‘Aua le tu’ua’i fua le sesē i isi
3. Ta’utino ou sesē i luma o le Atua
4. Ia maua le loto salamō

ASO SA: 11 OKETOPA 2026 LOTU TAMAITI

MANATU AUTU: TAUTUANĀ LOU OLA TUPUTUPU A’E.
(Your upbringing should not be taken lightly)

TUSI FAITAU: Salamo 92:1-15

MATUA: Salamo 92:12-13

**“E tupu olaola le tagata amiotonu e pei o le pama; e tupu tele e pei o
le arasi i Lepanona. O e ua totōina i le fale o le ALII, e tupu
olaola i latou i lotoā o lo tatou Atua.”**

Vaega:

1. Ia fa’avae i le Atua lou aiga
2. E tofofi e le Atua fanau mo lana feau
3. A’oa’i fanau i mea lelei
4. Ia susulu atu le fanau mo Iesu

ASO SA: 18 OKETOPA 2026

MANATU AUTU: ‘AUA E TE FIA PULE.
(Do not be hungry for power)

TUSI FAITAU: Numera 12:1-16

MATUA: Numera 12:2

**“Ua la fai ane, Ua na o Mose ea ua fetalai mai ai le ALII? e le o i
maua foi ea ua fetalai mai ai o ia? Ua fa’afofoga mai foi le ALII.”**

Vaega:

1. E tofi e le Atua i latou e agava'a
2. Ia galue oe i lau lava pito la'au
3. E o'o mai lava lou taimi
4. O le Atua e pule aoao i mea uma lava

ASO SA: 25 OKETOPA 2026

**MANATU AUTU: 'AUA NE'I E FAIA NI FOLAFOLAGA E
TE LĒ MAFAI ONA E TAUSIA.**

(Do not make promises you cannot keep)

TUSI FAITAU: Mataio 5: 33-37

MATUA: Mataio 5: 37

**“A ia faapea la outou upu, Ioe, ioe; E leai, e leai; auā o le upu
e sili i na upu, mai le leaga lava ia.”**

Vaega:

1. 'Aua le ta'u fua le suafa o le Ali'i
2. O lo'o silasila le Atua i au galuega o lo'o fai
3. Tautala sa'o!
4. Ia fa'amalie le finagalo o le Atua, ae lē o tagata

ASO SA: 1 NOVEMA 2026 FAAFOUINA

MANATU AUTU: IA FAAMALOSIA LOU FA'ATUATUA.
(Intensify your faith)

TUSI FAITAU: Salamo 150:1-6

MATUA: Salamo 150:5

**“Ia outou vivii atu ia te ia i sumepalo taalili; vivii atu ia
te ia i sumepalo leo tetele.”**

Vaega:

1. Ia manatua aso na laveaiina ai oe e le Ali'i
2. O ala o le manuia e mai le Atua lea
3. O le Kerisiano moni, e le fa'avaivai
4. E tatau ma ōnomea le vi'iga i le Atua

ASO SA: 8 NOVEMA 2026

MANATU AUTU: E LĒ ‘OLEGIA LE ATUA
(God cannot be deceived)

TUSI FAITAU: Galuega 5:1-11

MATUA: Galuega 5:2

**“Ua tuu faananā fo’i māna nisi mea o le tau, ua iloa foi e lana avā;
ua aumaia foi nisi mea ma tuu mai i le au aposetolo e pule.”**

Vaega:

1. E leai se mea e nātia, e lē fa’aalia
2. ‘Aua le fa’agutugutulua
3. Mafaufau muamua a o le’i tautala
4. Folafoia ma ia fa’ataunu’u

ASO SA: 15 NOVEMA 2026

MANATU AUTU: VA’AI MUAMUA OE IA TE OE.
(Look at yourself first)

TUSI FAITAU: Ioane 21:20-25

MATUA: Ioane 21:21-22

“Ua iloa atu o ia e Peteru, ona fai mai lea o ia ia Iesu, “Le Alii e, pe faapefea o ia nei?” Ua fetalai atu Iesu ia te ia, “Afai ou te loto ina ia tumau pea o ia seia ou sau, pe se a lea mea ia te oe? Ia e mulimuli mai oe ia te a’u!”

Vaega:

1. ‘Aua le vavao le ola taumafai o isi mo Iesu
2. Ia faamamā lou loto
3. Puipui lou loto
4. Taula’i le vaai ia Iesu

ASO SA: 22 NOVEMA 2026

MANATU AUTU: ‘AUA NEI GALO LAU FAAFETAI I LE ATUA.

(Do not forget to thank God)

TUSI FAITAU: Luka 17:11-19

MATUA: Luka 17:18

“Ua le iloa ea ni e toe foi mai e vivii i le Atua, na o lenei tagata ese?”

Vaega:

1. Ia muamua le viiga ma le faafetai i le Atua
2. E lē fa’agaloina e le Atua ona tagata
3. Na faia i tatou e le Atua mo lona viiga
4. Faafetai i le faaolataga na faia e lona Alo o Iesu Keriso

ASO SA: 29 NOVEMA 2026

MANATU AUTU: TAULAGA E FAIA I LE MEA LILO.

(Almsgiving done secretly)

TUSI FAITAU: Mataio 6:1-4

MATUA: Mataio 6:2

“O lea a e avatu ai ni mea alofa, aua nei e ilia le pu i ou luma, pei ona faia e tagata faafiaamiotonu i sunako ma ala, ina ia viia o i latou e tagata. E moni, ou te fai atu ia te outou, ua maua e i latou lo latou tau.”

Vaega:

1. Foa’i ma le loto malie
2. ‘Aua ne’i fao le vi’iga o le Atua i au taulaga
3. E tãua i le Atua au meaalofo e avatu
4. E leai se mea e lilo i le Atua

ASO SA: 6 TESEMA 2026 FAAFOUINA

**MANATU AUTU: FILEMU FA’ALE-LALOLAGI MA
LE FILEMU FA’ALEATUA.**
(Worldly peace and Godly peace)

TUSI FAITAU: Mataio 10:34-39

MATUA: Mataio 10:34

**“Aua tou te manatunatu ua ou sau e avatu le filemu i le lalolagi;
ou te lei sau e avatu le filemu, a o le pelu.”**

Vaega:

1. Ta’utino lou fa’amaoni ia Iesu Keriso
2. E itagia le Kerisiano fa’amaoni
3. ‘Aua nei e auauna i ni atua se lua
4. Lalolagi agasala, lavea’iina e Iesu Keriso

ASO SA: 13 TESEMA 2026

MANATU AUTU: O LE ASO O LE ALI’I.
(The Day of the Lord)

TUSI FAITAU: Ioelu 3:16-21

MATUA: Ioelu 3:19

**“E faatafunaina Aikupito, e avea Etoma ma laueleele gaogao, ona o
le faasaua i le fanauga a Iuta, auā ua latou faamaligiina i lo latou
nuu le toto o e le sala.”**

Vaega:

1. Vaitau o le lūlūuga ma le seleselega
2. Sauni mo le Ali’i
3. Anapogi ma tatalo
4. Fa’amasinoga ma le folafolaga o le fa’aolataga

ASO SA: 20 TESEMA 2026

**MANATU AUTU: E LĒ MAFAI ONA FA'ANATINATIA OE E FAI
MA TAGATA SILI.**

(You cannot rush to greatness)

TUSI FAITAU: 1 Tupu 3:5-15

MATUA: 1 Tupu 3:9

**“O lea ia e foai mai ai i lau auauna le loto matala ina ia
fa’amasino e ia i lou nuu, ma ia masino ai i le lelei ma le leaga,
auā po o ai na te mafaia ona faamasino i lou nuu nei ua
matua toatele.”**

Vaega:

1. E amata i le Atua lou fai mea sili
2. O le loto maulalo e fa’aeaina
3. Galue ma tatalo i le Atua
4. O le Atua e ou le poto uma lava

ASO SA: 27 TESEMA 2026

MANATU AUTU: O LE ALOFA FAAMAONI O LE ATUA.
(God’s steadfast love endures forever)

TUSI FAITAU: Auega 3:19-33

MATUA: Auega 3:22-23

**“O le alofa o le ALII ua le faaumatia ai i tatou, ona ua le mavae
o lona alofa mutimutivale; e fou mai ia i taeao uma;
e tele lou faamaoni.**

Vaega:

1. O le Atua e tumu i le alofa, ma e telegese lona to’asā.
2. O le Atua e lagonaina tigā
3. O le alofa o le Atua e fou i taeao uma
4. O le Atua e faamaoni i ona tagata

